

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Z A K L J U Č A K
o odbacivanju Prijave koncentracije privrednog subjekta Imlek a.d., Padinska skela
Industrijsko naselje bb, Beograd, Republika Srbija

Sarajevo,
decembar, 2015. godine.



Broj: 04-26-1-037-5 -II/15
Sarajevo, 22.12.2015.godine

Konkurencijsko vijeće Bosne i Hercegovine je, na osnovu člana 25. stav (1) i člana 42. stav (2), a u vezi s članom 14. stav (1) Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednog subjekta „Imlek“ a.d., Padinska skela, Industrijsko naselje bb, Beograd, Republika Srbija, podnesenoj po punomoćniku, Nenadu Stankoviću, advokatu iz Beograda, Republika Srbija, zaprimljenoj dana 05.11.2015. godine pod brojem: 04-26-1-037-II/15, na 115. (stotinupetnaestoj) sjednici održanoj dana 22. decembra 2015. godine, donijelo

ZAKLJUČAK

1. Odbacuje se Prijava koncentracije privrednog subjekta „Imlek“ a.d., Padinska skela, Industrijsko naselje bb, Beograd, Republika Srbija, radi neispunjenja uslova za prijavu.
2. Ovaj Zaključak bit će objavljen u "Službenom glasniku BiH", službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je, dana 05.11.2015. godine pod brojem: 04-26-1-037-II/15, zaprimilo Prijavu koncentracije privrednog subjekta „Imlek“ a.d., Padinska skela, Industrijsko naselje bb, Beograd, Republika Srbija (u daljem tekstu: Podnosilac prijave ili Imlek a.d.), podnesenu putem punomoćnika, advokata Nenada Stankovića, Njegoševa 19/2, 11000 Beograd, Republika Srbija, prema kojoj isti stiče isključivu kontrolu nad ciljnim društvom, privrednim subjektom „Niška mlekar“ d.o.o. Niš, Nikodija Stojanovića 28b, Niš, Republika Srbija (u daljem tekstu: Niška mlekar d.o.o.) preuzimanjem svih 100% udjela, u smislu člana 12. stav (1) tačka b) pod 1) Zakona o konkurenciji („Službeni glasnik BiH“, br. 48/05, 76/07 i 80/09)(u daljem tekstu: Zakon).

Uvidom u dostavljenu Prijavu, utvrđeno je da istu treba dopuniti u smislu člana 30. stav (1) Zakona i odredbi Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10)(u daljem tekstu: Odluka), te je od Podnosioca prijave zatražena dopuna, aktom broj: 04-26-1-037-1-II/15 od dana 17.11.2015. godine.

Podnosilac prijave je traženu dopunu dostavio podneskom broj: 04-26-1-037-1-II/15 od 01.12.2015. godine i podneskom broj: 04-26-1-037-2-II/15 od dana 07.12.2015. godine.

Podnosilac prijave je, u smislu člana 30. stav (2) Zakona, naveo da je Prijava koncentracije podnesena nadležnim organima u Republici Srbiji, Republici Crnoj Gori i Republici Makedoniji.

Nakon kompletiranja Prijave, Konkurencijsko vijeće je dana 22.12.2015. godine Podnosiocu prijave izdalo Potvrdu broj: 04-26-1-037-3-II/15 o prijemu uredne i kompletne prijave, u smislu člana 30. stav (3) Zakona.

Konkurencijsko vijeće je utvrdilo da je Prijava podnesena u propisanom roku, u smislu člana 16. stav (2) Zakona.

1. Učesnici predmetne koncentracije

Učesnici predmetne koncentracije su privredni subjekti „Imlek“ a.d. Beograd, Padinska skela, Industrijsko naselje bb, Beograd, Republika Srbija i „Niška mlekarica“ d.o.o. Niš, Nikodija Stojanovića 28b, Niš, Republika Srbija.

1.1. Privredni subjekt Imlek a.d. Beograd

Privredni subjekt Akcionarsko društvo industrija mleka i mlečnih proizvoda „Imlek“, Industrijsko naselje bb, Padinska skela, Beograd, Republika Srbija je registrovan u Agenciji za privredne registre Republike Srbije, pod matičnim brojem: 07042701.

Pretežne registrovane djelatnosti privrednog subjekta Imlek a.d. su prerada mlijeka i proizvodnja sireva.

Većinski vlasnik privrednog subjekta Imlek a.d. je privredni subjekt Danube Foods Group BV, Amsterdam, Kraljevina Holandija, koji posjeduje (..)*¹ udjela u ukupno emitovanim dionicama privrednog subjekta Imlek a.d.

Privredni subjekt Imlek a.d. distribuciju gotovih proizvoda na teritoriji Bosne i Hercegovine vrši putem povezanog društva, privrednog subjekta Mlijekoprodukt d.o.o., Kozarska Dubica, direktno iz četiri distributivna centra: Kozarska Dubica, Banja Luka, Doboj i Sarajevo.

Prema podacima iz Prijave, privredni subjekt Imlek a.d., na dan podnošenja prijave, ima učešće u kapitalu preko 10,0% u slijedećim privrednim subjektima koji posluju na teritoriji Bosne i Hercegovine:

Tabela 1.

R.b.	Naziv privrednog subjekta	Udio (%)
1.	East Milk d.o.o. Sarajevo	(..)*
2.	Mljekara a.d. Laktaši	(..)*
3.	Mlijekoprodukt d.o.o. Kozarska Dubica	(..)*
4.	Danube Foods d.o.o. Banja Luka**	(..)*

Izvor: Podaci iz Prijave

** - naznačeni privredni subjekt se nalazi u 100,0% vlasništvu privrednog subjekta „Danube Foods Group“ B.V., Amsterdam, Kraljevina Holandija, većinskog vlasnika privrednog subjekta Imlek a.d.

1.1.1 Povezana društva privrednog subjekta Imlek a.d. Beograd

1.1.1.1. Privredni subjekt East Milk d.o.o. Sarajevo

Privredni subjekt „East Milk“ d.o.o. za preradu mlijeka i mliječnih proizvoda, Rakovička cesta 78, Sarajevo, upisan u registar Općinskog suda u Sarajevu pod matičnim brojem: 65-01-0509-10 (stari broj: 1-26001), se nalazi u (..)*% vlasništvu privrednog subjekta Imlek a.d.

Pretežna registrovana djelatnost privrednog subjekta East Milk d.o.o. Sarajevo je djelatnost prerade mlijeka i mliječnih proizvoda.

¹ (..)* - Podatak predstavlja poslovnu tajnu

1.1.1.2. Privredni subjekt Mljekara a.d. Laktaši

Privredni subjekt Društvo za proizvodnju mliječnih proizvoda „Mljekara“ a.d., Ljevčanski put b.b., Aleksandrovac, Laktaši, upisan u registar Okružnog privrednog suda u Banja Luci pod matičnim brojem: 1-71-00, se nalazi (..)*% vlasništvu privrednog subjekta Imlek a.d.

Pretežne registrovane djelatnosti privrednog subjekta Mljekara a.d. Laktaši su proizvodnja mlijeka, mliječnih proizvoda i sira.

1.1.1.3. Privredni subjekt Mlijekoprodukt d.o.o. Kozarska Dubica

Privredni subjekt Društvo sa ograničenom odgovornošću za proizvodnju „Mlijekoprodukt“ Kozarska Dubica, Vrioci b.b., Kozarska Dubica, upisan u registar Okružnog privrednog suda u Banja Luci pod matičnim brojem: 1-9244-00, se nalazi u (..)*% vlasništvu privrednog subjekta Imlek a.d..

Pretežna registrovana djelatnost privrednog subjekta Mlijekoprodukt d.o.o. Kozarska Dubica je otkup, prerada i distribucija mlijeka i mliječnih proizvoda.

1.1.1.4. Privredni subjekt Danube Foods d.o.o. Banja Luka

Privredni subjekt „Danube Foods“ d.o.o. za savjetovanje u vezi s poslovanjem i upravljanjem Banja Luka, ul. Mladena Stojanovića 25, Banja Luka, upisan u registar Okružnog privrednog suda u Banja Luci pod matičnim brojem: 1-16954-00, se nalazi u (..)% vlasništvu privrednog subjekta „Danube Foods Group“ B.V., Amsterdam, Kraljevina Holandija.

1.2. Privredni subjekt Niška mlekar d.o.o. Niš

Privredni subjekt „Niška mlekar“ d.o.o. Niš, Nikodija Stojanovića br.28b, Niš, Republika Srbija, osnovan je 1997. godine i registrovan u Agenciji za privredne registre Republike Srbije, pod matičnim brojem: 07204132.

Pretežne registrirane djelatnosti privrednog subjekta Niška mlekar d.o.o. su prerada mlijeka i proizvodnja sireva.

Privredni subjekt Niška mlekar d.o.o. distribuciju svojih proizvoda prema krajnjim potrošačima na teritoriji Bosne i Hercegovine vrši preko uvoznika i distributera, privrednog subjekta MIG COMPANY d.o.o. Mostar.

Prema podacima iz Prijave, vlasnička struktura privrednog subjekta Niška mlekar d.o.o., prije provođenja koncentracije je sljedeća:

Tabela 2.

R.b.	Naziv privrednog subjekta/fizičkog lica	Udio vlasništva (%)
1.	Kruna komerc d.o.o.	(..)*
2.	(..)*	(..)*
Ukupno		100,00

Izvor: Podaci iz Prijave

Prema podacima iz Prijave, privredni subjekt Niška mlekar d.o.o., na dan podnošenja Prijave, nema povezanih društava na teritoriji Bosne i Hercegovine.

2. Pravni okvir ocjene predmetne koncentracije

Konkurencijsko vijeće je u postupku ocjene predmetne koncentracije primijenilo odredbe Zakona i Odluke o utvrđivanju relevantnog tržišta („Službeni glasnik BiH“, broj: 18/06 i 34/10), te odredbe Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj: 34/10).

3. Pravni osnov i pravni oblik koncentracije

Pravni osnov predmetne koncentracije je Ugovor o kupoprodaji udjela, zaključen dana 28.10.2015. godine u Beogradu, između privrednog subjekta Imlek a.d., kao kupca i privrednog subjekta „Kruna Komerc“ preduzeće za unutrašnju i spoljnu trgovinu d.o.o. Beograd, Republika Srbija (u daljem tekstu: Kruna komerc d.o.o.), te fizičkog lica (..)*, Kikinda, Republika Srbija, kao prodavaca.

Zaključenim Ugovorom o kupoprodaji privredni subjekt Imlek a.d. stiče (..)*% vlasništva nad udjelima fizičkog lica (..)*, te (..)*% vlasništva nad udjelima privrednog subjekta Kruna Komerc d.o.o, a koje navedeni posjeduju u privrednom subjektu Niška mlekar a.d. Niš, čime dolazi do preuzimanja svih 100,0% udjela od strane privrednog subjekta Imlek a.d. u navedenom ciljnom društvu.

Uzimajući u obzir navedeno, u smislu odredbi člana 12. stav (1) tačka b) pod 1) Zakona pravni oblik predmetne koncentracije je sticanje kontrole jednog privrednog subjekta nad drugim kupovinom većine udjela.

4. Relevantno tržište

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Obzirom na navedeno, a na osnovu utvrđenih registrovanih djelatnosti učesnika predmetne koncentracije, Konkurencijsko vijeće je utvrdilo da je relevantno tržište proizvoda predmetne koncentracije tržište proizvodnje i distribucije mlijeka, mliječnih proizvoda (pavlake, jogurt, deserti i namazi) i sira.

Relevantnim tržištem u geografskom smislu smatra se tržište Bosne i Hercegovine, obzirom da učesnici predmetne koncentracije vrše distribuciju svojih proizvoda na tržištu cijele Bosne i Hercegovine.

Relevantno tržište predmetne koncentracije je tržište proizvodnje i distribucije mlijeka, mliječnih proizvoda (pavlake, jogurt, deserti i namazi) i sira u Bosni i Hercegovini.

5. Analiza relevantnog tržišta

Procjena tržišnog učešća učesnika koncentracije i konkurenata, na relevantnom tržištu mlijeka, mliječnih proizvoda (pavlake, jogurt, deserti i namazi) i sira u Bosni i Hercegovini, prikazana je u *Tabeli 3.*, kako slijedi:

Tabela 3.

Rb	Privredni subjekt	Mlijeko (%)	Pavlake (%)	Jogurt i deserti (%)	Namazi (%)	Sir (%)
1.	Imlek a.d.	(..)*	(..)*	(..)*	(..)*	(..)*
2.	Niška mlekara d.o.o.	(..)*	(..)*	(..)*	(..)*	(..)*
3.	Meggle mljekara d.o.o.	(..)*	(..)*	(..)*	(..)*	(..)*
4.	Lactalis (Immer d.o.o. i Dukat d.d.)	(..)*	(..)*	(..)*	(..)*	(..)*
5.	Ostali	(..)*	(..)*	(..)*	(..)*	(..)*
Ukupno (1+2)		(..)*	(..)*	(..)*	(..)*	(..)*
UKUPNO		100,0	100,0	100,0	100,0	100,0

Izvor: Podaci iz Prijave

6. Obaveza prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom nivou iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta, učesnika koncentracije ostvaren prodajom roba i/ili usluga na tržištu Bosne i Hercegovine, iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%

Ukupni godišnji prihodi privrednih subjekata, učesnika koncentracije (i njihovih povezanih privrednih subjekata), na dan 31. decembar 2014. godine, iskazani su u *Tabeli 4:*

Tabela 4.

R.b.	Privredni subjekt	Bosna i Hercegovina (KM)	Svijet (KM)	Ukupni prihodi (KM)
1.	Imlek a.d.	(..)*	(..)*	(..)*
2.	Niška mlekara d.o.o.	(..)*	(..)*	(..)*

Izvor: Podaci iz Prijave

Konkurencijsko vijeće je utvrdilo da su učesnici predmetne koncentracije ispunili uslov ukupnog godišnjeg prihoda na svjetskom tržištu, u smislu člana 14. stav (1) tačka a) Zakona, ali nisu ispunili uslov ukupnog godišnjeg prihoda na tržištu Bosne i Hercegovine, u smislu člana 14. stav (1) tačka b) Zakona, jer ukupan prihod privrednog subjekta Niška mlekara d.o.o. Niš, ostvaren prodajom roba na tržištu Bosne i Hercegovine iznosi manje od 8.000.000,00 KM.

Budući da ukupni godišnji prihod svakog od učesnika koncentracije ostvaren prodajom roba na tržištu Bosne i Hercegovine iznosi manje od 8.000.000,00 KM u 2014. godini, te njihov zajednički tržišni udio na relevantnom tržištu nije veći od 40,0%, isti nisu bili obavezni podnijeti Prijavu.

7. Administrativna taksa

Na ovaj Zaključak Podnosilac prijave, u skladu sa članom 2. tarifni broj 108. stav 1. pod c) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", br. 30/06 i 18/11), je obavezan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

8. Pouka o pravnom lijeku

Protiv ovog Zaključka nije dopuštena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednica

mr. Arijana Regoda-Dražić